

Bomankge ba le bantsi ba tsa temothuo ba bolela gore ga go na mokgwa ope o le osi wa thekenoloji o o ka thusang go tokafatsa temothuo mo Aforika. Mo boemong jwa moo, ba buelela gore balemi ba dirise mekgwa e e farologaneng ya dithulaganyo tse di farologaneng tsa temo.

Mokgwa ono wa temo go dirisiwa dilo tsa tlhago, o e leng mofuta o mongwe wa go lema o go lengwang sejalo se le sengwe fela mo karolong e e rileng ya tshimo, o thusa go dira gore mmu e nne o o itekanetsng e bile o nne o nonne, ke mokgwa o o nnang lobaka lo lolelele wa go dira dijo e bile o oketsa lotseno lwa balemi. Mekgwa eno e akaretsa:

- go sa jalwe ga peo – go tlogela naga e ntse fela lobakanyana e sa lengwa gore e kgone go ikalafa;
- polokelo ya manyoro le motšhutelo mo lehuting;
- go tokafatsa menontsha ya tlhago – go akaretsa le mmu wa motlhoboloko, motšhutelo wa diphologolo le matlhare a a bodileng;
- go jala dithoro le dinawa mo tshimong e le nngwe, jaaka dinawa tse di bidiwang di-cowpea le matonkomane a *bambara*;
- motswako wa naeterojene;
- go fetofetolwa ga dijalo – ka sekai, dithoro, matonkomane le dinawa (*faidherbia albida*);
- go kopanngwa ga tshimo le dikgwa – go kopanngwa ga ditlhare, dijalo le diruiwa; le
- thulaganyo ya taolo ya balemi ya dipeo tse di farologaneng le tse di tshegetswang sentle.

Mekgwa ya ga jaana ya temo go dirisiwa dilo tsa tlhago e theilwe mo dilong tse di tlwaelegileng tsa temo e e ntseng e tokafadiwa ke balemi ba mo Aforika ka makgolokgolo a dingwaga. Mekgwa eno ke ya balemi, ba ba tshwanetseng go akarediwa mo dipatlisisong dipe le dithulaganyo tsa kgodiso tse di ba amang.

BALEMI BA NA LE DITSELA TSE DINGWE

TSA GO DIRA TEMO TSE E SENG TSA GREEN REVOLUTION



duducorvalho.com